

HOMENAGE NA SUPRIANO V.D. LINDE

"Tata di Musica Mexicano na Aruba"

ORANJESTAD(AAN):

Mañan anochi na Centro di Barrio Brasil lo tin un homenaje na Sr. Supriano "Shon Lan" Van de Linde, "Tata di Musica Mexicano na Aruba," combina cu un show di mariachi, di baile y varios presentacion musical y sorpresa.

Supriano v.d. Linde ta un conocido musico, masha popular riba tereno di musica mexicano cu 54 aña riba tereno musical o den mundo di farandula na Aruba, di cualnan 40 aña cu Mariachi Perla di Aruba.

Shon Lan a crece den ambiente di musica. Su tata Gregorio v.d. Linde, mihor conoci como Goy, a cumpra un cuarta pa Supriano tempo cu Shon Lan tabata tin 8 aña di edad.

Cu 9 aña e tabata por a toca cuatro basta bon y cu 10 aña di edad el a cuminsa canta.

Cu 10 aña di edad el a cuminsa toca den paranda di aña nobo cu tabata worde yama Aguinaldo y Dande y na edad di 16 aña el a cuminsa toca guitarra.

Cu 17 aña di edad Shon Lan a tuma parti den fundacion di Trio Savaneta cu Geronimo Winterdal q.e.p.d. como manager, Jose v.d. Linde q.e.p.d. como compositor pa grabacion, como cantante y guitarrista Bertrand Ras q.e.p.d. como cantante, guitarrista y arreglista Surpriano mes.

Despues di a incorpora Lucas v.d. Linde como cantante, guitarrista y tercer voz, Supriano a toca mas o menos 5 aña cu e trio te 1955.

Na 1954 el a drenta enlace matrimonial cu Rosa Maria Geerman q.e.p.d. y nan a worde bendiciona cu 5 yiu.

Mayoria di e yiunan ta cantante y musico, entre nan Yolanda van de Linde. E otro yiunan ta Miguel, Casrlos, Amancia, Romualdo y Inocencio.

Na 1955 Shon Lan a bay toca den un mariachi chiquito cu tabata Flor de Mayo, cual mariachi tambe a graba algun disco. Un di e disconan tabata composicion di Jose v.d. Linde y otro tabata un composicion di Shon Lan, y aregla pa e mes, cu titulo Mi Morena.

Na 1956 Mariachi Perla di Aruba a wordo funda dia 16 di mei pa Sr. Girigorio v.d. Linden, mihor conoci como Goy. E evento a tuma lugar na cas di Supriano. Goy tabata un di e violinistanan di paranda di difunto Jendi Koolman.

Pa e mariachi Supriano a compone e ranchera "15 di october".

Na 1959 Sr. Girigorio v.d. Linde a retira di Mariachi pa motibo di quebrante di salud y Supriano a tuma e encargo over dirigiendo e mariachi.

Na december 1960 un reunion a wordo convoca pa Sr. Overloon pa selecta e mihor tocadornan for di e tres mariachinan di Aruba pa forma un mariachi pa acompaña e artista mexicano Chela Rivero y Shon Lan a ser selecta como un di e guitaristanan.

Mei di 1962 Perla a ghraba su proe disco 45 cu dos cokomposicion di Shon Lan y canta pa Bertano Henriquez, "Un mal Amor" y "Pober Vaquero".

Na aña 1968 Shon Lan a bolbe logra un compscion di dje riba disco 45 cu mariachi Perla di Aruba titula "Asi es mi canto" cual disco a ser produci na Medellin, Colombia.

Otro composicionnan di Shon Lan v.d. Linde cu a sigui ta "Homenage na Rosimbo" tambe "Mi kier ta hunto cu bo" cual cancion a ser graba tambe riba un disco 45 cu Mariachi Perla di Aruba.

Na december 1980 Sr. Supriano v.d. Linde a bolbe logra un composicion graba riba 45 cu Mariachi Perla di Aruba titula "Pabien na e pareha".

E aña siguiente el a bay Mexico cu e mariachi y na Guadalajara el a bautizxa su prome longplay cu 10 cancion cu e mes a compone, y e bautiza a ser efectua pa Sr. Humberto Mesa. Na e ocasion aki tabata tin cobertura di un periodista di Asociacion di Musiconan di Guadalajara.

Na 1982 a ser organiza ev prome festival di cancionnan



na papiamento estilo mexicano y un composicion di Surpriano, "Bon haci ta mal paga" canta pa Yolanda v.d. Linde a ocupa di tres lugar. E mes aña cu Mariachi Perla di Aruba el a acompaña un festival grandi di Aruba y Antillas di cancionnan mexicano.

Na 1983 hunto cu Mariachi Perla el a acompaña participantenan den Festival di Hotelnan na Balloon Pub. y e aña siguiente a toca pa festival di hotelnan atrobe.

El a actua den varios show cu Rhoda Frigerio na hotel tambe den shownan cu Dhaddy Brokke den Cultureel Centrum.

Na 1986 cu e prome otorgamento di "Aloe di Oro" a tuma lugar, organiza pa Sr. Carmelo Heyer, e tabata un di e personanan cu a ricibi su "Aloe di Oro".

E aña siguiente el a ricibi un trofeo cu ta representa un homenaje cu a ser dedica na su persona durante e di dos festival mexicano cu tabata un obsequio di Sr. Jossy Brokke y Peter de Vlam.

E mes aña Sr. Supriano v.d. Linde a viaja pa Hulanda cu Mariachi Perla di Aruba cu tabata e prome grupo cu a toca den parlamento hulandes na Den Haag. Sr. Supriano a representa Aruba na Aruba Huis tambe.

Na 1990 el a ricibi "Ere Medaille di Orde van Oranje Nassau in Zilver" durante condecoracionnan real anual.

E mes aña durante 3 luna cu Mariachi Perla di Aruba el a haci un gira na Hulanda bao direccin di J. de Vries.

Dos aña pasa el a ricibi reconocimiento hunto cu Mariachi Perla di Aruba, di

Gobernador di Estado di jalisco Lic. Carlos Rivera Acevez y tambe el a ricibi durante e mes bishita medailla di plata di Camara di comercio di Guadalajara, Mexico y a haya oportunidad pa duna un serenata na cas di e licenciado di Guadalajara.

El a toca tambe na Hyatt Regency na Mexico y pa por a haci esaki, e mester a pasa un prueba, locual el a haci exitosamente cu un di su propio composicionnan pa wordo permiti pa toca eyan.

Na Aruba Sr. Supriano v.d. Linde ta un di e musiconan admira y reseta y cu semper tin un sonrisa riba cara y cu tur hende sin excepcion semper e ta masha cariñoso.

Un musico cu mañan sigur lo merece felicitacion di cada usico riba nos isla, musiconan riba tur tereno y ritmo musical principalmente di mundo di musica mexicano.

Pa Shon Lan ni fin di aña ta dia di sosiego pasobra for di chiquito, su paranda y su dande ta un "mester".

Den e homenaje na e gran personahe aki, merecedor di no un pero mas homenaje, lo tin presentacionnan mañan di Yolanda v.d. Linde, Marcelino Paesch, Carlos Olarte, Mariachi Perla di Aruba naturalmente, otro mariachi invita, y cu presentacion ademas di Flor di Jazmin y animacion di e anochi den man di e cantante di musica mexicana Vivian Kock y e anochi lo cera cu baile riba ritmo di The Original Band.

Riba e fotonan por mira Shon Lan na man robez riba e portret cu Mariachi Perla di Aruba y ricibiendo trofeo for di man di Sr. Jossy Brokke.

